

續  
文  
獻  
通  
考

續文獻通考卷之二百三十一

皇明進士靈間王圻纂輯

輿地考 雲南 蒙氏始末

雲南

元置雲南諸路行中書省爲路三十七府二屬府三屬州  
五十四屬縣四十七其餘甸寨軍民等府不在此數雲  
南本古梁州之南境爲徼外夷地漢領以益州部刺史  
自唐至宋爲蒙氏段氏所據天祚二年歲在壬子元世  
祖以親王授鉞專征秋九月出師冬十二月濟河春歷  
鹽夏夏四月出蕭關駐六盤八月絕洮渝吐蕃分軍爲  
三道遣使大理招之道阻而還十月過大渡河世祖率

騎繇中道先進十一月渡瀘所在望風款附再招之至其國遇害十二月薄其都城城倚點蒼山西洱河爲固國主段興智及其臣高恭祥背城出戰大敗之又使招之三返勿聽下令攻之東西道兵亦至及登點蒼臨視城中宵潰興智奔善闡追及泰祥於姚州俘斬以徇分兵畧地所向皆下惟善闡未附明年春畱大將兀良哈解經畧之未幾拔善闡得興智以獻釋不殺進軍平烏蠻部落三十七攻交趾破其都收復磨溪洞三十六金齒白衣羅鬼緬中諸蠻相繼歸附雲南平列爲郡縣凡總府三十七散府八州六十縣五十甸部寨六十一分隸諸道立行中書省於中慶以統之

皇明改置雲南等處承宣布政使司領雲南大理臨安楚  
雄潞江廣西廣南鎮沅蒙化景東永寧順寧孟定孟良  
一十四府曲靖姚安鶴慶武定尋甸麗江元江永昌八  
軍民府嵩明等四十一州車里軍民等七宣慰司南甸  
千崖隴川三宣撫司十二關等二十一長官司又置雲  
南都指揮使司領雲南左右中前後廣南大理臨安曲  
靖景東楚雄洱海平夷越州蒙化陸涼永昌大羅一十  
八衛濶滄騰衝二軍民指揮使司宜良易門安寧馬隆  
楊林堡十八寨木密關七守禦千戶所又置雲南等處  
提刑按察司分晉安臨元金滄洱海四道兼察諸府州  
衛所三司則並治於雲南府

雲南府上蜀漢初置雲南郡晉因之兼置寧州宋齊並  
爲建寧郡隋置昆州後廢唐初復置南詔蒙氏改爲善  
闡府元初置善闡萬戶府至元中改置中慶路領縣三  
州四州領縣八 本朝洪武中改雲南府領諸盟晉寧  
安寧昆陽四州昆明富民宜良易門歸化呈貢羅次祿  
豐三泊九縣

昆明

中脩郭唐爲晉寧縣地元初分其地立千戶二  
後改善州州草縣知故以官度縣省入 本朝

富民

下至元中立黎溪千戶所  
後改富民縣 本朝因之

宜良

下唐匡州地  
元初立太平

千戶

後升宜良州領大池

大赤二縣

本朝因之

嵩盟州

下蒙氏改嵩盟郡元初立嵩明萬戶府至元  
中改爲長州尋遷爲府後復爲州領楊林鄧

甸二縣

本朝改爲之洪武中省

楊林

下在州東南

鄧甸入州

成化間楊林亦併入

楊林

治楊林城乃

石如羊氏又作羊氏四種新居地城東門內有  
立羊林千戶至元邵甸車蠻斗蠻舊地名為東甸以  
十二年改為甸

東為邵憲宗七年立邵甸

晉寧州

宋氏段氏皆為陽城堡部元初立陽城堡萬

化呈貢

戶府至元中復為晉寧州本朝因之領歸

二縣

歸化元初屬呈貢千戶所至元初呈貢元初

貢千戶

所至元中改為

晟貢縣

本朝改為呈貢

昆陽州

宋時大理以高氏治之名巨橋城元初立巨

領縣

三泊大理時屬善闡元初屬巨橋萬戶府至元

二

周易門大理時高福世守其城元初立洩門千戶所

之

屬巨橋萬戶府至元中改易門縣本朝因

安寧州

元初屬陽城堡萬戶府至元初立安寧羅次

本烏蠻羅部元因羅部置羅次州屬中祿蠻有白村

慶路後改爲縣屬安寧州本朝因之昔烏蠻蠻居之元初屬安寧千戶所至元中置祿豐縣屬安寧州本朝因之

楚雄府下宋時大理段氏改白鹿部後改威楚郡元置

威楚萬戶府至元中改爲威楚路後置威楚開南等路

宣撫司於此領四州三縣本朝洪武十五年改置楚

雄府領南安鎮南二州楚雄廣通定遠定邊碯嘉五縣

楚雄至元中改置威州仍立富民淨樂二縣尋降爲

威楚縣以二縣省入定遠州千戶至元中改定遠州

仍立南寧縣尋改州爲縣定邊宋時爲大理舊治元

鎮南州至元中省入州碯嘉本夷獠地曰虛初元初

本朝復置改屬楚雄府屬威遠路本朝因之而改屬楚雄府

鎮南州

宋時地屬大理段氏元初置次舍千戶石鼓

鼓定邊二縣後省二縣入本

南安州

本黑蠻蠻所居地塞名摩芻元初置摩芻千

本朝仍為州而以縣屬府

廣通

南詔立為路賧縣元初置路賧千

州本朝改屬楚雄府

景東府南詔蒙氏為銀生府之地後為金齒白蠻侵奪

其地宋時大理段氏莫能復元初討平之以其所部隸

威楚萬戶至元中改置開南州隸威楚路 本朝洪武

中改為景東府

威遠州

下州在開南西南其川有六昔模和泥二蠻所

居至蒙氏興威楚為郡而州境始通其後金齒



武定軍民府

本烏蠻名羅婺部元初內附置羅婺萬戶府至元中併仁德于矢二部入羅婺更置

北路總管府尋改武定路治南甸縣領二州四縣本朝改為武定軍民府領和曲祿勸二州元謀一縣

和曲州

蠻名巨遣甸段氏時以烏蠻阿劇治之統於羅婺部元初改巨遣甸曰和曲至元中陞為

和曲州領南甸元謀二縣本朝初元謀舊名華竹因之尋以南甸縣省入州領縣一

至元中置元謀南甸蠻曰漢甸又稱漢籠限元縣本朝因之

祿勸州

舊名洪農碌秀甸易籠蠻所居元至元中置祿勸州祿勸州領易籠石舊二縣本朝以二縣省

入州編戶八里舊城在州北地名位場縣境有二水蠻語謂湊為水籠為城因此為名昔羅婺部大首居

之為郡首會集之所至元二十六石舊下縣在州東年立以為籠縣本朝省八州

鳩曰法塊曰抹捻曰曲蔽掌鳩有溪其三四元數十度故名今訛名石舊至元二十六年立縣本朝

省入州

鶴慶軍民府唐時為越析詔之地名鶴川及隸共川南

詔於樣共置謀統郡元初內附置鶴川尋置二千戶仍  
稱謀統屬大理上萬戶至元末降鶴慶府尋改鶴慶路  
領劔川一縣 本朝洪武中改為府後改鶴慶軍民府  
領劔川順州二州

劔川州

南詔置劔川節度大理段氏改為義督璦元  
置義督千戶至元中改劔川縣 本朝陞為

州

見麗江路

順州

孟養軍民宣慰使司

地名香栢城元至元二十六年置  
雲遠路軍民總管府 本朝洪武

十五年改為雲遠府十七  
年改孟養軍民宣慰使司

車里路軍民宣慰使司

蠻名車里自古不通中國元征  
交趾經其所部悉降之因置

里路軍民總管府領六甸後又置耿凍路領耿當孟弄  
二州 本朝洪武十七年改置車里軍民府十九年改

宣慰使司隆慶二年頒  
隆慶年號金牌一十道

廣南府宋時名特磨道儂智高之裔居之元至元立廣南西道宣撫司領路城等五州後來安路奪其路城上林羅佐三州惟領安寧富州二州 本朝洪武中置廣南府領富州一州

富州

元至元中置富州及安寧州本朝初因之後以安寧州省入

麗江軍民府南詔於此置麗水節度宋時爲麼些蠻酋蒙酷酷所據元初討平之置茶罕章宣慰司至元中改置麗江路軍民總管府後罷府置宣撫司領一府七州一縣 本朝洪武十年改爲麗江府後改軍民府舊領

臨西縣後革領通安巨津寶山蘭州四州

見永寧下

北勝州

蒙氏名善巨郡宋時大理段氏改爲成紀鎮元初內附至元中置施州尋改北勝州後陞爲府

屬麗江路 本朝洪武十五年改為州屬鶴慶軍  
民府後屬瀾滄衛正統間改直隸雲南布政司

順州

唐時地名牛賧為羅落蠻首所據元初內附  
置順州屬北勝府 本朝改屬鶴慶軍民府

漢渠州

唐時地名羅共賧羅麼些三種蠻世居之元  
初內附至元中以羅共賧置漢渠州屬麗江

路

本朝洪武十五年改屬鶴慶  
軍民府二十九年改屬瀾滄衛

永寧府宋時屬大理段氏元時內附置答監管民官尋

改置永寧州屬北勝府 本朝洪武中屬鶴慶府二十

九年改屬瀾滄衛永樂四年陞為府領刺次和革甸瓦

魯之香羅四長官司

刺次和長官司革甸長官司香羅長官司瓦魯之長

官司

俱永樂  
年置

通安州

宋時為滇緬蠻麼些蠻所據世屬大理元初  
置三賧管民官至元中置通安州 本朝因

之蘭州宋時大理段氏始置蘭州屬

舊寶山州宋時為麼些蠻所據元初內附名其寨曰

屬本朝巨津州南詔屬麗水節度元至元間於九職置

因之瀾滄衛軍民指揮使司元為北勝州地本朝洪武中

置今衛司領北勝浪蕓永寧三州永樂四年以永寧州

陞為府正統六年以北勝州直隸布政司本衛隸雲南

都指揮使司見麗浪蕓州江下

八百大甸軍民宣慰使司世傳其土酋有妻八百各領

之道路不通而還後遣使招附置八百等處宣慰司

本朝洪武二十四年其酋來貢乃立八百大甸軍民宣

慰使司

孟傑路金泰定三年八百總婦蠻請官

守置水安孟傑二府於其地

曲靖軍民府南詔蒙氏置石城郡宋時大理段氏因之

後為磨彌部所據元初置磨彌部萬戶至元間改中路  
後改為曲靖路陞宣慰使領五州七縣 本朝洪武中  
改為曲靖軍民府領南寧亦佐二縣霑益陸涼馬龍羅  
雄四州

南寧

附郭元初於此置千戶所屬磨彌部萬戶至元中陞南寧州後改為南寧縣 本朝因之

亦佐

唐以後沒於蠻號夜苴部後訛為亦佐元併入羅雄州後復置亦佐縣 本朝初因之洪武末

分越州之屈即村入焉改屬曲靖軍民府

陸涼州

下南詔時號落溫部元初置落溫千戶所屬落蒙萬戶至元中改置陸涼州領河納芳華

二縣 本朝

以二縣省入

芳華

下在州西 本朝

河納

下在州南治蔡村 本朝

省入

越州

下在路之南其川名魯望普度部蠻世居之元憲宗四年內附六年立千戶隸未迷萬戶至元

十二年改越

州隸曲靖路

羅雄州

下唐時沒於蠻焉塔散納夷旬後名其部曰羅雄元初內附屬普磨千戶至元中置羅雄

州隸曲靖路

本朝因之

馬龍州

下唐以後為盤匏裔納祐部所居元初內附置納祐千戶所至元中改馬龍州領通泉一

縣

本朝初因

通泉

下在州西南與嵩胡州楊林縣接壤納後之孫易隙分居其地

之後以縣省入

元初為易龍百戶隸馬龍千戶至元十三

年改通泉縣隸馬龍州本朝省入州

霑益州

下唐以後為磨彌部所據元初屬磨彌部其戶至元中改置霑益州領交水石梁羅山三

縣

本朝併三縣及

交水

下初易隙龍城其先磨彌部前蒙提居之後大理國

高護軍逐其子孫為私邑憲宗五年內附

至元十三年即其城立縣

本朝省入州

石梁

下係磨彌

部又名伍勒部其酋世為巫居

羅山

下夷名落蒙山乃磨彌部東境

潞江府下治在滇地東南唐屬牂州隸黔州都督府開

元中降為羈縻州今夷中名其地曰羅伽甸初麼些蠻  
居之後為爨蠻所奪南詔蒙氏為河陽郡至段氏麼些  
蠻之裔復居此甸號羅伽部元憲宗四年內附六年以  
羅伽部為萬戶至元三年改萬戶為中路十六年升為  
澂江路領縣三州二州領縣三 本朝洪武十七年改  
為澂江府領新興路南二州江川河陽陽宗三縣

河陽

下內附後為千戶至元十六年為河江州下在陽州二十六年降為縣本朝因之

路南星雲湖之北蒙氏叛唐使白蠻居之至段氏些  
蠻徙蠻之裔居此城更名雄其靈景內附本  
部為千戶所至元中又改千戶為江陽宗下在本縣  
川州二十年復降為縣本朝因之陽宗西北明湖  
之南昔麼些蠻居之號曰強宗部其酋長盧舍內  
附立本部千戶至元十三年改為縣本朝因之

新興州

下漢新興縣唐為羈縻州蒙氏為溫富州段氏時麼些蠻分居其也內附後立為千戶



續文獻通考 卷之三十三

八

元十三年改新興州隸漢江路領二縣普舍下在州

本朝并以研和普舍省入屬漢江府普舍西北者

有強宗部蠻之裔長曰部傍據普舍龍城次曰普舍

據普舍龍城二城之西有白城漢人所築二酋屢爭

其地莫能定普舍孫且厘內附立部為千戶十研和

三年改千戶為普舍縣治普舍九龍城隸新興州

下些麼徒蠻步雄居之其孫龍鉞

內附立百戶至元十三年改為縣

路南州下州在本路之東夷名路餉有城曰臘日黑

部憲宗朝內附即本部立萬戶至元并蒙羅迦未迷

三萬戶為中路十三年分中路為二路改羅迦為毀

江路落蒙為路南州隸漢江路

領一縣本朝初因之後縣革

二城主邑市縣彌沙等五城立彌沙縣

二十四年併彌沙入本縣隸路南州

尋甸軍民府古滇國地在蒙氏為尋甸段氏改仁德部

元至元初置仁地萬戶府後改仁德府領為美歸厚二

縣本朝洪武中改尋甸軍民府以二縣省入

爲美

下縣治在府北地名湔浦適昌縣創知仁百六十雙地故鄉至元二十四年置縣本朝省入

府歸厚

下縣治不府西北地名易浪海龍舊隸仁地部至元二十四年分立二縣曰倘俸曰爲美

二十五年改倘俸曰歸厚本朝省入府

臨安廣西元江等處宣慰司兼管軍萬戶府

臨安府宋時大理段氏改爲通海節度又改秀山郡尋復爲通海郡其後蠻酋互相侵奪或屬善闡或屬阿夔元初置阿夔部萬戶至元初改置南路尋改臨安路領三州一千戶四縣郭本朝洪武中改爲臨安府領建水石屏阿迷寧州四州通海河西嵎峨蒙自四縣納樓教化玉弄虧容溪處思陀左能落恐安南九長官司

續文獻通考 卷之百五

九

河西

下唐復沒於蠻名其地曰休臘置河西州後改為縣 本朝因之

蒙自

初在段氏阿焚蠻居之元憲宗七年立千戶蠻阿焚萬戶至元十三年改阿焚萬戶隸臨安路

本朝因之編

戶一十五里

阿迷州

元大德中隸廣西元江等處宣慰司 本朝立為州

安南長官司

舊名褒古後名捨資本阿焚所居地元置捨資千戶後以其地近交趾改安南

道防送軍千戶屬臨安路

本朝改長官司屬大理府

建水州

附郭段氏時為此麼蠻首圖所據元初內附置建水千戶所屬阿焚萬戶至元中改為州

屬臨安路

溪處甸思陀甸落恐甸虧容甸

俱見元江下

石坪州

宋時阿焚蠻奪據之闡地得石坪方五里聚為居邑因名石坪邑元至元中改邑為州

本朝改為

石屏州

寧州

唐以後屬焚蠻改寧部元初置寧部萬戶後改海寧府至元中改寧州復以西沙縣省入 本

之朝因納樓旬教化三部左能寨主弄山俱見大理府下

通海元初置通海府屬善闡萬戶至元中改為縣屬寧海府府廢改屬臨安路為附郭本朝徙

府治建水州縣仍隸焉

嶧峨下唐以後併於阿樊元初置嶧峨千戶屬阿樊萬戶至元中改為州後降為縣割隸寧州本

朝改屬臨安府

廣西府下東蠻烏蠻彌鹿等部所居唐為羈縻州隸黔

州都督府時有師宗彌勒二部內附因籍為軍立廣西

路十八年復為民領州二本朝改為廣西府領師宗

彌勒維摩三州

師宗州下在路之東南昔費苗逐僚樊等居之元至元十二年立為千戶十八年復為民二十七

年改為州本朝因之

彌勒州

下在路南昔此麼徒蠻之裔彌勒得郭甸巴甸部籠而居之故名其部曰彌勒至元十二

年爲千戶

十八年復爲民二

十七年改爲州

本朝因之

維摩州

元立維摩千戶隸阿迷萬戶至元中以本部爲千戶總把領維摩居中二千戶隸廣西路

後改維摩州

本朝因之

元江軍民府南詔蒙氏以屬銀生節度又開威遠等處

置威遠賧宋時爲此麼徒蠻所有元時內附置元江萬

戶府後於威遠更置元江路領馬籠步日等部屬臨安

廣西元江等處宣慰司 本朝洪武中改元江府永樂

初改元江軍民府領長官司一

因遠羅必甸長官司

附郭舊名羅槃甸元江路本朝置長官司

步日部

在木路之西蒙氏之此甸徙自蠻鎮之名步日險

新化州本馬龍他郎二甸阿焚諸部蠻自昔遠之元初  
州內附立為二千戶所屬州萬戶府至元間以  
馬龍寺甸管民官併於他郎甸明司屬元江路太  
初改名馬龍他郎甸長官司後陞為新化州隸雲南布  
政司

者樂甸長官司本馬龍他郎猛摩之地夷名者島  
本朝洪武末分置長官司隸雲南布政司

溪人甸長官司舊溪處甸部元置軍民副萬戶隸雲  
南行省後屬元江路本朝改長官司隸臨安府

思陀河長官司舊為官桂思陀部元置和泥路隸雲  
南行省後屬元江路本朝改長官司隸臨安府

落恐甸長官司舊為併溪落恐部元置軍民萬戶隸  
雲南行省後屬元江路本朝改長官司隸臨安府

虧容甸長官司

舊缺容甸部元屬元江路本朝改長官司屬臨安府

鎮沅府南詔蒙氏爲銀生府之地其後齒白夷侵奪其

地元初內附屬威遠州後置案板寨屬元江路 本朝

洪武末改置鎮沅州永樂初陞爲府領祿谷長官司一

祿谷寨長官司

本朝永樂十年置在府城東北二百五十里

大理金齒等處宣慰司都元帥府

元置

大理府上段氏號大理國元初立上下二萬戶府至元

間改置大理路領二府五州四縣 本朝洪武十五年

改路爲府領趙鄧川賓川三州雲南浪穹新平三縣

太和

附郭元立太和城千戶所至元間置理州及河東縣後省州改縣曰太和屬大理路 本朝因

之趙州雲南鄧川州浪穹

見永昌府

賓川州

本朝弘治六年置

十二關長官司

本雲南縣楚場地元至正間因僻險始置十二關防送千戶所本朝改

置長官司

屬大理府

阿寧萬戶府

元置屬南路總管府大德中直隸臨安府西元江等處宣慰司本朝立為阿

迷州改屬

納樓茶甸長官司

蒙氏為茶甸元置千戶屬阿寧萬戶後分為二千戶屬雲南行省又

改納樓茶甸

本朝改長官司屬臨安府

教化三部長官司

元為強規二部隸臨安等處宣慰司後屬強規四部本朝改長官

司屬臨

安府

左能寨長官司

舊為思陀甸寨本朝置長官司隸臨安府

王弄山長官司

元為大小二部本朝改長官司隸臨安府



永昌軍民府南詔蒙氏段氏高氏俱為永昌府元初於永昌立三千戶所隸大理萬戶府至元間置永昌州尋陞為府隸大理路及置金齒等處宣撫司治此領永平一縣 本朝洪武十五年仍置府又立金齒衛至二十三年省府以金齒衛為軍民指揮使司嘉靖中改為永昌軍民府領騰越新化二州保山永平二縣長官司二

保山

附郭宋時大理屬永昌府元初立永昌千戶所 本朝改置保山縣

永平

宋時大理因南詔為騰越郡元初廢郡立永昌千戶所後復為永平縣 本朝因之

騰越州

宋時大理段氏因蒙氏屬欽化府元置騰越州 本朝舊為騰衝衛軍民指揮使司

嘉靖三年改置騰越

州 見元

鳳翔長官司

本元永昌府地 本朝洪武二十三年置今同

施甸長官司

元至元間置石甸長官司後訛為施甸木朝因之

鎮道安撫司

楊塘安撫司

俱屬永昌衛沿革未詳

騰衝軍民指揮使司

蒙氏置軟化府白蠻改騰衝府元改騰越州及置騰越縣尋復騰衝

府仍治騰越縣後以順江州及騰越甸古湧三縣省入屬大理路本朝司之洪武未改騰衝守禦千戶所

隸金齒軍民指揮使司正統間倭軍民指揮使司後改騰衝衛指揮使司隸雲南都司

大古刺軍民宣慰使司

古南宋本朝所立南甸宣撫司其地也正德中始置

鄧川州

下在本路北夷有六詔遂改其一也唐置

之元憲宗三年內附七年立德原千戶至元浪穹本

十年改為鄧川州領浪穹一縣本朝因之浪穹本

名彌茨乃浪穹詔所居之地唐初其王鐸羅望與南

詔戰不勝保鄧川更勦浪貞元中南詔破之以浪穹

施浪鄧賊總三浪為浪穹州元憲宗七年內附立浪

穹千戶隸大理上萬戶至元十一年降為縣隸鄧川

州 本朝併鳳  
湖縣入浪寧

蒙化府蒙氏初號蒙舍城後改蒙舍城爲陽瓜州段氏  
改開南縣元初置蒙舍十戶至元間改蒙化府尋陞爲路  
後復降爲州屬大理路 本朝仍爲州屬大理府正統  
間復陞爲府領雲龍一州雲龍州卽雲龍甸

趙州 下昔爲羅越蠻所居地蒙氏立國有十賧趙州  
其一也夷語賧若川皮羅間置趙郡閣羅鳳改  
爲州段氏改天水郡元憲宗七年立趙賧十戶隸大  
理下萬戶至元十一年改爲州又於白崖賧立建寧  
縣二十五年縣華人州隸大理  
路 本朝因之領雲南一縣

姚安軍民府宋時段氏改柅棟府曰姚州唐以其民多  
姓姚故名元初立統矢千戶至至元間改置姚州屬大  
理路天曆間陞姚州路領大姚一縣 本朝改路爲府

後改爲姚安軍民府領州一縣一

大姚

唐名大姚堡元初置千戶所至元間改大姚縣屬姚州本朝改今屬

姚州

附

雲南縣

下唐以漢雲南縣置郡蒙氏至段氏並爲雲南州元初立品甸千戶所至元十一年仍爲

雲南州後降爲縣隸大理本朝改隸趙州

蒙憐路軍民府

至元二十七年從雲南行省請以蒙憐甸爲蒙憐路軍民總管府蒙萊甸

爲蒙萊路軍民總管府其餘闕

蒙萊路軍民府

闕

金齒等處宣撫司

其地在大理西南蘭洽江界爲金齒白夷諸酋各遣子孫朝貢因立安撫司以統之至元

八年分金齒白夷爲東西兩路安撫使十二年改西路爲建寧路東路爲鎮康路二十二年罷兩路宣撫司併入大理金齒等處宣撫司

柔遠路

舊名怒江詠為路江元置柔遠路軍民總管府治怒江隸金南等處宣撫司後為麓川宣

慰司所據

本朝改為柔遠府後置路江長官司永

樂九年

所據安撫司隸永昌衛茫施路在柔遠路之南

所謂茫施

蠻也中統初內附至元十三年立為路隸

宣撫司

本朝洪武十五年置茫施

府正統九年

間改置茫施長官司

鎮康州

在柔遠路之南蘭江之西其地曰石炭亦黑蠻

司

本朝洪武十七年改為

為鎮康

府十七年改為州

灣甸州

蠻名細腰元中統初內附屬鎮康

鎮西路

在柔遠路正西東隣麓川其地曰于賴朕曰

年立為

路隸宣撫司領二甸本朝洪武十五年

改為鎮

西府後為千崖長官司正統間陞宣撫司

平緬路

在北近柔遠路其地曰驃朕曰羅公西庄曰小

元十三年立為

路隸宣撫司

麓川宣慰司

在茫施路東其地曰大白茫曰耿頭附賽

中統時內附至元十三年立為路隸宣撫司

本

隴川宣撫司

即隴川地本朝洪武十七年置司正統三年其土酋思任發叛大軍平之十一年

置隴川宣撫司於龍把

大侯州

蠻名孟祐白夷所居元中統初內附屬麓川路本朝洪武二十四年置大侯長官司後改為

州

干崖宣撫司

地名干賴賧曰渠瀾賧白夷居之元中統

二甸本朝洪武十五年改為鎮西府後為干崖長官司正統間升為宣撫司

木邦軍民宣慰使司

舊名孟都一名孟邦元至元二十六年立木邦路軍民總管府領三

甸本朝洪武十五年改木邦府後改軍民宣慰使司

孟定府

舊名景麻至元二十六年改孟定路軍民總管府領二甸隸大理金齒等處宣慰使司本朝

洪武十五年  
改置孟定府

孟良府蠻名孟指 本朝永樂四年來歸附始置府

南甸宣撫司 舊名南宋元至元中置南甸路軍民總管府領三甸隸大理金齒等處宣慰司 本

朝洪武十五年改南甸府永樂十二年改南甸州正統八年陞宣撫司

六難路甸軍民府

陋麻和管民官

雲龍甸軍民府 舊雲龍甸元至元末立雲龍甸軍民總管府隸雲南行省 本朝改雲龍

州隸大理府正統間改屬蒙化府

縹甸軍民府

二十四寨達魯花赤

孟隆路軍民府

木朶路軍民總管府至元十三年以金齒木朶甸戶口增植立下路總管府其為長

給兩珠虎符

金齒孟定各甸軍民官

孟愛等甸軍民府至元二十一年金齒新附孟愛甸酋長遣其子來朝即其地立總管

府軍民

蒙兀路

通西軍民總管府大德元年蒙陽甸酋領緝古納款遣其弟阿不剌等赴關進方物及

歲貢銀千兩置郡縣驛傳遂立通西軍民府

木來軍民府至元二十九年撥立為木來路中書省已奏置散府

鈕兀長官司蠻名也兀自古不通中國本朝宣德七年始歸附置鈕兀長官司

底馬撒軍民宣慰使司沿革未詳



蠻莫安撫司

猛臉長官司

猛養長官司

俱萬曆十三年置沿革未詳

孟連長官司

芒市長官司

即桑遠路

茶山長官司

麻里長官司

沿革前無考俱本朝置

猛密宣撫司

舊為安撫司隸灣甸州萬曆十三年改隸布政司

本朝

老撾軍民宣慰使司

俗呼曰撾家自古不通中國本朝永樂二年其酋備方物入貢始

置老撾軍民宣慰使司

順寧府本蒲蠻之地名慶甸宋以前不通中國雖蒙氏

段氏亦不能制元泰定間始內附天曆初置順寧府并置慶甸縣 本朝洪武十五年仍置府以慶甸省入

緬甸軍民宣慰使司

古西南夷其地有江頭太公馬來安正國蒲甘緬王五城元至元中

屢討之後於蒲甘緬王城置邦牙等處宣慰使司本朝洪武二十九年始歸附立緬甸軍民宣慰使司

猛密 孟養

猛密者木邦宣慰司部落也木邦自 國初納款授官與

八百緬甸車里孟養諸酋兢強鼎立而猛密有寶井爲

木邦利府陶猛司至領之陶猛者猶華言頭目也宣慰

使罕樸以其女曩罕弄妻司至罕樸死孫罕窆立嗜酒

好殺曩罕弄遂以猛密叛然猶未敢公侵木邦也 成

化初南寧伯毛勝守雲南墨猛密寶石許得自貢不開

木邦太監錢能尤婪索無厭曩罕弄遂怙勢縱橫畧地自廣十六年太監王舉索寶石猛密曩罕弄罵不與舉遂䟽猛密叛木邦罪請征之曩罕弄大懼時大學士萬安倖用事而周賓五者江西人也連猛密謂曩罕弄曰無憂萬閣老貪聞天下又得權結 昭德宮與萬皇親最厚若遣人齎重寶投之不止不征且必授官比木邦矢曩罕弄從之遣人多齎金寶投安安許之召職方郎中劉大夏啖以美遷俾往撫處大夏辭曰某愚懦不任使安遂舉都御史程宗謹以意授宗宗唯唯至雲南時巡撫都御史吳誠宗同年也言不可宗大怒曰萬公甚嗾汝敢復忤之誠憂道不知所謂發疾卒宗乃率鎮守

及三司往撫猛密冀曩罕弄出迂育曩罕弄所遣安使  
歸已悉安意肯益踞傲不見宗且曰我見都堂須坐講  
宗許之復曰我不得遠涉須都堂過自就我宗不得已  
至南牙山就見曩罕弄坐定互講良久曩罕弄曰我猛  
密之於木邦猶大象之孕小象也今小象長成軀倍大  
象矣寧能復納大象腹中乎宗曰然遂以所畧木邦地  
界之爲設安撫司以司歪子孫世襲其職木邦人訴辯  
宗宗輒咎辱之曰朝廷畫土分封汝寧得專耶狀聞萬  
安大喜遂以宗巡撫雲南尋遷刑部尚書曩罕弄既立  
遂盡奪木邦之地罕罕奔猛止由是孟養諸番大不平  
遣大陶猛倫索提兵衛罕罕聲言必滅猛密會 敬皇

帝卽位安宗斥罷按察副使林後復稍稍割猛密地還木邦曩罕弄懼不敢逆命遂與木邦並立世讎殺矣孟養故宣慰使司也 正統初宣慰使刀賓玉昏懦不能填輯諸夷部下貴姓酋思仁遂擁衆麓川叛孟養畧取其地刀賓玉奔永昌死無子思仁益張遂屠騰衝擾潞江自稱曰法法夷王號也事聞 睿皇帝命黔國公沐晟左都督方政右都督沐昂往征之師次潞江思仁遣其將緬檢江守我軍不得渡先是刀賓玉嘗遣思仁質晟府晟兒子畜之廼遣使諭降思仁思仁陽許諾以故晟無渡江意緬檢數挑戰益急政不勝憤欲攻之晟不許政遂獨率麾下夜半渡江擊緬檢走之藥勝逼思仁

上江頃之喪兵馬集政以旗牌取救于晟晟不遣曰渡江非我使也左右力諫晟乃以少兵往復逗遛政知晟無援意遂遣其子瑛過江還曰汝急歸吾死今日矣瑛叩首泣請同歸政拔劍叱之曰無多言將官死分也遂策馬馳夷兵馬躡夷兵攢刺爲泥一軍皆沒無孑遺者晟聞敗遂燒江上積餉披羶裘雜衆奔永昌布政使應履平按察使賴巽以狀聞上遣使者問罪晟自知不免乃遣人語使者曰吾主將也失律喪師不敢移罪他乞無問遂以冷水啖酥餅發病卒時廷臣皆以麓川稱遽以來國家芻糧之費百千萬士馬死者無慮數萬宜放棄徼外以甦吏民上猶未決太監王振方寵倖用

事力勸上征之上乃遣兵部尚書王驥定西伯蔣貴益發湖廣四川廣西貴州及京管軍一十二萬往擊思仁敗之思仁走緬甸驥遂割思仁所畧孟養池畧緬甸購思仁緬甸斬思仁縛其子思機歸驥送京師斬之緬甸以其子銀起莽居守孟養頃之麓川夷復擁思仁少子思祿攻銀起莽敗之復有孟養之地驥等慮師老餉道益艱賊終不殄滅遂約思祿許得部勒諸夷居孟養如故復與立石畫金沙江爲界誓曰石爛江枯爾乃得渡思祿懼聽命乃班師以捷聞論功以王振從子一授錦衣衛指揮僉事驥封靖遠伯貴進定西侯以死事功贈政攻遠伯謚忠毅晟定遠王謚忠敬晟政之敗在

四年驥征始九年訖十三年乃罷思祿雖無官其豪僭  
夷中無異王者 成化中太監錢能鎮守雲南大墨于  
諸夷思祿乃以祖母祿帶反諸珍物餌能能召見設飲  
食親以相對思祿稍稍縱橫 弘治初 詔以金牌信  
符給徼外土酋時猛養宣慰司廢除久矣兵部偶忘之  
以舊號頒給思祿遂以牌符號召諸夷曰天朝復官立  
我諸夷信之遂畧取旁小邑自廣會猛密叛木邦事久  
不平叅政毛科者素輕脫以平猛密自任或言須孟養  
兵乃可科遂檄兵思祿思祿輕科欲不與則憤猛密叛  
木邦得官與之則見弱乃以羸兵數千應科攻猛密猛  
密笑曰毛官人欲以孟養殺我我姑以一命兌之遂介



馬來衝孟養兵原無闢志大敗猛密設伏邀擊殲什七八科僅以身免思祿大怒遂違誓渡金沙江攻猛密取蠻莫等十七寨時都御史金獻民巡撫雲南聞變欲劾科科以計解尋稍謫貴州按察司副使思祿既違誓渡江遂不可制大學士謝遷科同鄉也科復挾遷勢于獻民復奏舉科曰臣聞使功不如使過撫治孟養非科不可朝議許之復以科爲雲南按察副使科遂勸獻民請兵大舉上不許會思祿亦遣人奏言絕域小醜本無叛情第爲隣惡誑誤以干天法願入蠻莫十寨贖罪得比米魯乞以一子爲土官復宣慰如故大學士劉健欲許之以爲思祿有官猶可制卽無官其僭自若也不如因

而官之遷復以科故勸劉公弗許思祿遂據孟養而自立

按猛密孟養之亂譬諸蔓草樹以中官而灌以閣輔日益滋長雖欲芟刈不可得矣麓川之役舉朝皆以爲非謂王振專權逞忿而李文達公亦言麓川初叛不委晟而遣別將遂至喪師此皆失實潞江致敗晟實罪魁第朝議以晟元勲之裔關土安南有功復畏法引慝自殞得蒙贈謚亦已幸矣思仁抗王師殲大將釋而不誅辱國益甚振之罪惡通天若主征麓川義正言順不可非也三原王公撰忠敬王廟碑其言亦與文達畧同溢美文過爲家狀所蒙第未知國史所傳竟何稽也

滇南始末

滇域未通中國之先有低牟苴者居永昌哀牢之山麓金

齒地有婦曰沙壹浣絮水中觸沈木若有感是生九男曰

九隆族種類滋長支裔蔓衍竊據土地散居谿谷分爲

九十九部其渠首有六各號爲詔夷語謂詔爲王其一

曰蒙舍詔今蒙化府其二曰浪施詔今浪穹縣其三曰鄧賧詔今鄧

川其四曰施浪詔今浪穹縣其五曰摩娑詔今麗江府其

六曰蒙雋詔今建昌兵埒不能相君長至漢有仁果時九

隆八族之四世孫也强大居昆彌川今白崖定西嶺傳十七世

至龍祐那當蜀漢建興三年諸葛武侯南征雍闓師次

白崖川獲闓斬之封龍祐那爲酋長賜姓張氏割永昌

益州地置雲南郡於白崖諸夷慕武侯之德漸去山林徙居平地建城邑務農桑諸部於是始有姓氏龍祐那之十六世孫曰張樂進求遜位於蒙氏考其時蓋唐世也張氏或稱昆彌國或稱白國或稱建寧國其年系莫可推詳

蒙氏始興曰細奴羅九隆五族牟苴篤之三十六世孫也耕于巍山之麓數有神異孳牧繁息部衆日盛代張氏立國號曰封民蒙氏僞稱南詔實唐貞觀三年也遷居瓏玕圖山今蒙化及高宗時遣子入侍朝命授細奴羅以巍州刺史死僞謚高祖又稱奇王子羅晟嗣

羅晟僭立當高宗上元元年至睿宗景雲中姚州蠻先附

吐蕃御史李知古請兵擊降之築城置州縣重稅賦因誅其豪雋掠其子女爲奴婢羣蠻怨怒引吐蕃攻知古殺之於是姚雋路絕晟猶奉唐正朔死僞諡世宗子晟  
羅皮嗣

晟羅皮之立當玄宗先天元年立孔子廟于國中死諡威成王子皮羅閣嗣

皮羅閣之立當玄宗開元十六年受唐冊封爲雲南王賜名歸義於是南詔浸强大而五詔微弱皮羅閣因仲夏二十五日祭先之期建松棚爲樓以會五詔宴醉後羅閣伴下樓擊鼓舉火焚樓五詔遂滅閣賂劔南節度使求合五詔爲一朝廷許之於是盡有雲南之地因破吐

蕃卒爲邊患不可復制既併五詔乃卜太和形勝左洱  
水右蒼山山海之交結於子午遂築太和城自蒙舍徙  
居之立上下二關曰龍首曰龍尾連陷遼順永昌石鼓  
沙追賧龍去賧後遣其孫鳳伽異入朝唐授鴻臚少卿  
妻以宗女賜樂一部南詔於是始有中國之樂死子閣  
羅鳳嗣

閣羅鳳之立以天寶八年故事酋長謁都督偕妻子行鳳  
挈家至雲南太守張乾陀皆私之復多徵求鳳怒反攻  
雲南殺乾陀取夷州三十二陷焦州獲唐西瀝令鄭回  
拜清平官即其國丞相也天寶十年夏四月庚寅劍南節度使  
鮮于仲通將命致討鳳伽異及段儉魏逆戰于西洱河

唐兵死者六萬人仲通僅以身免封儉魏爲清平賜各  
段忠國以旌之遂臣于吐蕃吐蕃封之爲東帝刻碑國  
門之外明叛唐非得已也僭國號曰大蒙始建年號曰  
贊普鍾十三年劍南畱後李泌將兵擊之爲蒙氏所誘  
全軍沒焉唐益發兵竟不能克前後死者二十萬人南  
詔自是始與中國隔絕矣代宗大曆十四年死僞謚神  
武子鳳伽異未嗣而死孫異牟尋立僭改元贊普  
鍾七長壽土牟尋  
以唐代宗大曆十四年嗣有智數善撫衆居史城史城  
今喜連兵吐蕃入寇唐神策都將李晟擊破之異牟尋  
懼改城牟賧今大改國號曰大理自稱曰東王  
僭封五嶽四瀆并立祠三皇廟春秋致祭以國界內點

蒼小爲中嶽東州界江雲露松外龍山爲東嶽

在今祿州一

名絳雲山一名雲龍山自十

一峯皆峭拔其山有名鳥穴銀生部日界蒙樂山爲

南嶽

在今者樂旬一名無量山其山千仞有殿搖柱自空中來天帝娶天女處

永昌騰越

界高黎共山爲西嶽

在今騰衝一名崑崙偶東臨濃江西臨龍川左右有十川名爲雪甸

草卉貫四序不凋瘴氣最惡冬雪三春方融夏秋雪甸炎熾商賈愁怨爲之語曰冬時欲歸來高黎共上雪夏秋欲歸來無奈雪甸熱春時欲歸來囊中資糧絕麗江界玉龍山爲北嶽

在今麗江

一名聳雪山其山九峯雪貫四時玉立萬仞以黑惠江千里望之若在咫尺與蜀松州諸山相接也

瀾滄江路江麗江爲四瀆接點蒼之顛添洱河之水立

官號曰九夷三托其地東至於銅柱鐵橋蟠桃王榆東

南至於交趾南至於驃國木落山西至於大石西北至

於吐蕃北至於神川東北至於黔巫八方之地屬以八



演從中國教令都曰苴岬別都曰善闡皆中國降人爲之經畫也德宗貞元三年鄭回說以大義令復歸唐異牟尋然之會西川節度使常臯招撫羣蠻尋因求內附而猶結好吐蕃臯乃爲書遺尋叙其歸化之誠轉至吐蕃吐蕃疑之異牟尋歸附之志益堅九年上表請絕吐蕃復臣於唐十年自將數萬人襲吐蕃大破之遣其弟獻圖納貢及吐蕃所頒金印請復號南詔唐以其功遣使冊之賜銀窠黃金印王比面跪受之宴使者出玄宗所賜器物指老笛工歌女曰皇帝所賜龜茲惟二人在耳使者曰南詔當深思祖考子孫勿替盡忠皇唐對曰敢不敬使者之命死僞謚孝恒收元二

見龍  
上元

子尋閣勸

嗣

尋閣勸以唐德宗貞元十五年立死子勸龍晟立

偽諡孝文改元

應

勸龍晟以唐永貞元年立淫虐不道其臣崔顥殺之而立

其弟勸利晟諡曰幽改元龍興

勸利晟以唐憲宗元和元年立死偽諡靖王子晟豐祐立

改元全義

晟豐祐以穆宗長慶四年立趨敢善用其下文宗太和三年西川節度使杜元穎不恤士卒有流入蠻境者蠻衣食之由是盡得蜀之虛實與其臣崔顥遂謀入寇以蜀卒爲鄉道襲陷邛戎雋三州引兵徑入成都取諸經籍

大掠子女工技數萬人及珍貨而還南詔工技文織自  
是與中國埒矣豐祐乃遣使上表請罪元頓朝廷以李  
德裕代之德裕保障有方索南詔所掠百姓得四千人  
豐祐死僞謚昭成子世隆立改元二保和天啓

世隆之立以唐武宗會昌十三年初肅臯開蜀清溪道以  
通羣蠻入貢又選子弟聚之成都教之書數以羈縻之  
而軍府不時給其餽需南詔因是不肯入貢及世隆立  
朝廷以其名同玄宗諱不行冊禮諭令更名謝恩然後  
遣使會世隆寇雋州事遂寢世隆乃僭稱皇帝懿宗咸  
通三年西寇安南四年寇交趾殺虜奚十五萬人留兵  
二萬使其將楊思縉據之谿洞夷獠皆降五年寇邕州

敗還七年節度使高駢大破之復定交趾十年世隆傾國入寇陷捷爲及黎雅嘉三州十二年進攻成都不可引還僖宗乾符元年復寇西川陷黎州入寇邛崃關勝負不常二年攻雅州聞高駢敗西川遣使請和駢發兵追至大渡河殺獲甚衆擒其酋長數十人四年復寇越嶲死於景淨寺自世隆嗣立以來爲邊患殆二十年中國爲之虛耗而其國亦斃僞謚景莊皇帝子隆舜嗣改

元建極

隆舜

通鑑作法誤也南詔名皆父子相承世隆之子曰隆舜近是

之立以僖宗乾符四

年性好畋獵酣宴委國事於其臣是歲請和許之又迭請和親廣明元年遣宗王少卿李龜年充使中和元年

上表款附三年以宗室女妻之後內嬖失道爲堅臣楊  
登所弑僞謚宣武子舜化真嗣改元二貞明嗟耶  
舜化真之立以唐昭宗乾寧四年改元中興上書於唐唐  
欲報以詔王建言小夷不足辱詔書臣在西南彼何敢  
犯塞從之立四年其臣鄭買嗣奪之而滅其國追謚孝  
哀蒙氏自細奴羅至舜化真十有三世立三百十年而  
爲鄭氏

鄭買嗣本唐鄭回之後世爲蒙氏清平唐昭宗光化五年  
旣滅蒙氏而自立改國號曰大長和改元曰安國死僞  
謚德桓子旻嗣立攻蜀黎州王建發兵大破之俘斬數  
萬級溺死數萬人求婚於南漢漢主以會城公主妻之

改元五曰始元曰天瑞景星曰安和曰貞祐曰初曆死  
僞謚肅文子隆亶嗣立改元天應未幾爲東川節度使  
楊于真所殺鄭氏三傳歷年二十有六而爲趙氏  
趙氏名善政爲封氏清平楊于真旣殺滅鄭氏遂拔善政  
而立之後唐明宗之天成三年也改國號曰大天興立  
僅十月于真又奪之而爲楊氏

楊氏名于真旣奪趙氏而有蒙國改號曰大義寧改元曰  
尊聖貪虐無道中外咸怨通海節度使段思平興師問  
罪于真不能禦走死楊氏立僅二年而段氏興焉

段氏之先武威郡人有名儉魏者佐蒙氏有功賜名忠國  
權清平官大傳而生思平思平生有異兆楊于真忌之

使人索捕思平逃匿得奇戟于品甸波大村又得神驥

於業鏡湖

在雲南縣正南  
大皮鋪是也

饑摘野桃剖之核膚有文曰

青昔思平拆之曰青乃十二月昔乃二十一日今楊氏

政亂吾當以是日舉義乎遂借兵東方黑爨松爨三十

七部皆助之衆至河尾是夕思平夢人斬其首又夢玉

瓶耳缺又夢鏡破懼不敢進兵其軍師董迦羅曰三夢

皆吉兆也公爲大夫夫去首爲天天子兆也玉瓶去耳

爲王王者兆也鏡中有影如人有敵鏡破則無影無影

則無敵矣三夢皆吉兆也思平乃決明旦引兵欲渡莫

知所從見江尾一婦人被璫而浣者指曰人從我江尾

馬從三沙矣爾國名大理從之得濟旣逐楊氏而有蒙

國遂改國號曰大理改元曰文德時後晉天福二年也  
死偽謚太祖傳子思英立未幾死偽謚文經武統皇帝  
國人立其叔思良思良以後晉開運三年改元致治死  
偽謚 傳于思聰

思聰以後周廣順三年立改元三曰明德廣德聖德死偽  
謚 傳于素順

素順於思聰  
未知何屬

素順以宋太祖建隆四年立時王全斌旣平蜀欲因兵威  
取滇以圖進於上太祖鑒唐之禍基於南詔以玉斧畫  
大渡河曰此外非吾有也由是雲南三百年不通中國  
段氏得以睨臨焚爨以長世焉十七年改元明正死偽  
謚應道 皇帝傳于素英



素英以宋太宗雍熙二年立改元五曰廣明明應明聖明  
德明治死偽謚昭明傳于素廉

素廉以宋真宗祥符二年立改元二曰明啓乾興死偽謚  
敬明傳于素隆

素隆以宋天禧二年立改元曰明道天聖避位僧死偽  
謚秉義傳于素貞

素貞以宋仁宗天聖四年立改元正治死偽謚聖德傳于  
素興

素興以宋慶曆元年立改元二聖明天明以無道國人廢  
之而立思廉

思廉以宋慶曆四年立皇祐中廣西儂智高掠廣州敗走

大理狄育募死士使大理求之會智高已死於大理函其首至京師段氏至是始聞名于中國思廉立三十一年改元三曰保安政安政德死偽謚世宗傳于連義

連義以宋熙寧八年立改元二曰上德廣安爲其臣楊義

貞所弑楊義貞篡立僞號廣安皇帝凡四年段氏臣岳

侯高智昇遣子昇大起東方兵討滅之而立段壽輝壽輝

連義之從子壽輝立二年改元曰上明傳於正明

正明以宋元豐五年立改元三曰保立建安天祐避位爲

僧時國人皆歸心高氏遂奉高昇太爲主而段氏中絕

大理段氏

高昇大有功段氏爲國人所立以宋哲宗之元符二年立

改國號曰大中國改元上治臨脩屬其子太明日段氏  
不振國人推我我不得已從之今其子已長可還其故  
物爾後人勿效尤也太明遵其遺言求段氏餘子正淳  
立之而段氏復興號曰後理國高氏世相之賞罰政令  
皆由之國人稱爲高國主波斯崑崙諸國來貢大理者  
皆先謁相國焉

正淳復國改元天授以高太明爲相高太連爲柵主遣太  
連朝宋求經籍得六十九家立三十年再改元曰開明  
文安避位爲僧傳子正嚴死僞謚中宗

正嚴以宋徽宗大觀二年立四十年改元四曰日新永嘉  
保天廣運避位爲僧傳子正興死僞謚憲宗

正興以來高宗紹興十七年立改元四永貞太寶龍興盛  
明避位爲僧傳于智興死僞謚景宗

智興以宋孝宗乾道八年立改元五曰利貞盛德嘉會元  
亨安定死僞謚宣宗傳于智運

智運以宋寧宗慶元六年立改元鳳曆死僞謚享天傳弟  
智祥

智祥以宋寧宗開禧元年立改元天開仁壽死僞謚神宗  
傳于祥興

祥興以宋理宗嘉熙三年立改元道隆甲辰元兵攻之高  
未逆戰敗死宋遣使祭之祥興死僞謚孝義傳于興智  
興智以元憲宗元年立改元天定壬子歲元忽必烈將兵

擊之分三道進自臨洮經行山谷二千餘里浮金沙江以董囊濟進薄大理與智及高太祥拒戰火攻祥興奔善闡太祥就擒不屈斬于五華樓下時白日當午忽雲起雷震世祖異之曰忠臣也遂虜與智滅其國段氏自思平至與智二十二主歷三百五十年

元旣滅段氏而有其地得五城八府蠻郡三十有七設大理都元帥府仍錄段氏子姓世守其上赦興甯封爲摩訶羅噠管領八方與智死元季亂中原多故段氏復據之於是有十一總管出焉

一代總管曰信直段實元中統二年入覲世祖嘉之賜璽書令總管大理善闡會川建昌永昌爲越諸郡以功累

授行省叅政以攻右城

今曲靖

及仁德府

今寧甸

功錫虎符

爲總管

二代總管信苴段忠至元中隨元帥伐西林破會川通善  
開平休林武定緬甸之役皆有功授金齒宣尉廉掌軍  
民萬戶府

三代總管信苴段慶元封爲宣武將軍妻以公主入朝歸  
授雲南省叅政

四代總管信苴段正

五代總管信苴段隆

六代總管信苴段俊

七代總管信苴段義

八代總管信苴段光時元大德中中原板蕩梁王以元宗  
室鎮善闡與段氏分域構隙至大二年梁王大破光兵  
光將高蓬守羅那關梁王密招之不從乃賂蓬庖人刺  
蓬以其首獻梁王王拜庖人戮之

九代總管段功初襲爵爲蒙化知府至正十二年繼立爲  
總管癸卯明玉珍自楚入蜀據之分兵四掠號曰紅巾  
明玉珍自將紅巾三萬攻雲南梁王及憲司官皆奔威  
楚諸部悉亂功謀于員外楊淵海淵海卜之吉乃進兵  
至呂閣敗紅巾于關灘江殺獲千計紅巾收合餘衆再  
戰復勝殺段氏驍酋鐵萬戶紅巾屯古田寺段氏夕潛  
火其寺紅巾軍亂死者什七八又追至回磴關大敗之

紅巾大呼曰待明年來復仇時功在戰間得王珍母寄  
其子書云爾征南務得之不得輕還軍少糧乏我當添  
補楊淵海效其書跡易之曰中國兵來急爾宜早歸遂  
募能入紅軍管者有小卒陳惠願行王珍得書恐國中  
有變又新失利遂急收軍功追之至七星關又勝之而  
還紅巾既退梁王深德段功以女阿稽妻之爲之奏授  
雲南平章功自是威望大著于西南梁王曲意奉之功  
戀戀不肯歸國其大理夫人高氏寄樂府促之歸其詞  
曰風捲殘雲九霄冉冉還龍池無偶水雲一片綠寂寞  
倚屏幃春雨紛紛促蜀錦半牀閒鴛鴦獨自宿好語我  
將軍只恐樂極生悲冤鬼哭功得書乃歸旣而復往其



臣楊智張希喬聞之不聽既至善闡梁人私語梁王曰  
段平章復來有吞金馬嘶碧鷄之心矣盍早圖之梁王  
始起疑於平章密召阿蓋主命之曰親莫若父母害莫  
若社稷功今志不滅我不已脫無彼猶有他平章不失  
富貴也今付汝以孔雀膽一具乘便可毒殪之主潜然  
不敢受命夜寂人定私語平章曰我久忌阿奴願與阿  
奴西歸因出毒具示之平章曰我有功爾家我趾自蹶  
傷爾父尚嘗爲我裹之爾何造言至此三諫之終不聽  
明日邀功東寺演梵至通濟橋馬逸因令番將格殺之  
阿蓋主聞變失聲哭曰昨瞑燭下纔講與阿奴雲南施  
宗施秀煙花殞身今日果然阿奴雖死奴不負信黃泉

也欲自盡梁王防衛者乃萬方主愁憤作詩曰吾家住

在鴈門深一片閒雲到滇海心懸明月照青天青天不

語今三載欲隨明月到蒼山悞我一生路裴彩錦被吐

嚙吐嚙段阿奴吐嚙可惜也施宗施秀同奴反好也雲片波

潏不見人押不蘆花顏色改押不蘆乃北方肉屏獨坐

細思量肉屏駱駝背也西山鐵立霜滿灑鐵立松林也平章從官員

外楊淵海亦題詩粉壁飲藥而卒詩曰半紙功名百戰

身不堪今日總紅塵死生自古皆由命禍福于今豈怨

人蝴蝶夢殘滇海月杜鵑啼破點蒼春哀憐永訣雲南

土錦酒休教灑淚頻梁王哀淵海之才緣意欲爲已用

見詩痛悼之乃厚恤之令隨平章檣歸葬大理

十代總管信其段寶功之子 洪武元年嗣職梁王遣矢

刺平章七攻大理不克乃講和奏陞寶爲雲南左丞未  
幾明玉珍復僭善闡梁王遣叔鐵木的罕借兵大理時  
寶已長答書云殺虎子而還喂其虎母分狙栗而自詐  
其狙公假途滅叛獻璧吞虞金印玉書乃爲釣魚之香  
餌縑閨淑女自設掩雉之網羅况平章旣亡弟兄罄絕  
今止遺一爨一奴奴再贅華黎氏爨又可配阿禮妃如  
此事詰我必借大兵如其不可待金馬山換作點蒼山  
昆明池改作西洱河時來矣書後附以詩云烽火狼煙  
信不符驢山舉戲是支吾平章枉喪紅羅帳員外虛題  
粉黛圖鳳別岐山祥光隱隱遶郊藪瑞光無自從界限

鴻溝後成敗興衰不屬吾梁王見之恨寶入骨平章女  
僧奴志恒不忘復仇將適建昌阿黎氏出手刺繡文旗  
以屬寶曰我自束髮聞母稱父冤恨非男子不能報此  
旗所以識也今歸夫家收合東兵飛檄西洱汝急應兵  
會善闡又作詩二章曰珊瑚勾我出香閨滿目潸然淚  
濕衣冰鑑銀臺前長大金枝玉葉下芳菲烏飛兔走頻  
來往桂馥梅馨不暫移惆悵同胞未忍別應知含恨點  
蒼低何彼穠穠花自紅歸車獨別洱江東鴻臺燕苑難  
經日風刺霜刀易塞冒雲舊山高連水遠月新春疊與  
秋重淚珠恰似通宵雨千里關河幾處逢後寶聞高  
皇帝開基金陵遣其叔段真自會川入京奉表歸款

續文獻通考

卷之五十五

三

四百六十九

朝廷亦以書報之

見御製文集

時有妖巫女歌曰莫道君爲

山海主山海笑諧諧園中花謝千萬朵別有明主來寶  
數日疾卒子明嗣

十一代總管信苴段明

洪武十四年授以宣慰壬戌春

正月天兵破善闡梁王自錫黨屬悉俘明遣都使張元  
亨馳書潁川侯傅友德西平侯沐英麾下曰大理乃唐  
交綏之外國善闡實宋分畫之餘邦難列營屯徒勞兵  
甲請依唐宋故事寬我蒙段奉正朔佩華篆比年一小  
貢三年一大貢友德怒拷辱其使明再上書曰漢武習  
戰僅置益州元祖親征祗緣善闡乞冀班師友德答明  
書曰我大明龍飛淮甸混一區宇陋漢唐之小智卑宋

元之淺圖天兵所至神龍助陣天地應符汝段氏接武  
蒙氏運已絕於元世寬命延息以至于今我師已殲梁  
王報爾世仇不降何待三月傅沐二將分兵宵練點蒼  
顛繞出下關之背先樹旗幟遲明段兵驚潰大軍策馬  
亂流而濟明遂就擒并其二子仁義至金陵 太祖聖  
諭曰爾父寶曾有降表朕不忍廢賜長子名歸仁授永  
昌衛鎮撫次子名歸義授鴈門衛鎮撫大理悉定是夏  
六月元普顏篤復叛據佛光寨在鄧州東北先不華叛據鄧  
川甲子正月十七日潁川侯傅友德復自七星關回軍  
大理平鄧川破佛光寨因定賦法築城隍設衛堡立學  
校比於中州列郡焉



續文獻通考卷之二百三十二

皇明進士雲間王圻纂記

輿地考 邊關上

皇明

遼東鎮按遼東全鎮延袤有餘里北拒諸胡南扼朝鮮  
東控福餘真番之境實爲神京左臂自大寧失險山  
海以東橫入虜地寧前高平諸處一綫之塗聲援易阻  
識者有隱憂焉南通溟渤倭警雖稀而金復蓋三衛僻  
在海壖號稱沃壤三岔河凍虜數垂涎故河東惟冬防  
喫緊也近奉詔旨每值嚴寒總帥移駐海州似亦得  
策惟河西零竊剽掠無時䟽通來往將領尚矣濬路河



增臺圈防禦之累茲其可已乎大段遼地丁寨招垛孔  
艱而又徵調頻仍士馬日耗欲其利爪牙以衛腹心不  
可不為之所也

本鎮地方文武官員數目

巡撫遼東地方兼贊理軍務都御史一員 鎮守總兵

官一員 戶部管糧郎中一員俱駐劄廣寧城 分守叅議一

員駐劄遼陽城 分巡僉事一員駐劄廣寧城 兵備四員一駐寧遠

城一駐開原城 一駐蓋州城 一駐西平堡 一極衝地方 遼陽城副總

兵一員都司三員 開原城叅將備禦馬市官各一員

義州城叅將備禦各一員 寧遠城叅將一員 廣

寧城遊擊備禦坐營中軍各一員 瀋陽城遊擊備禦各一

員 鎮武堡遊擊一員 中後所遊擊一員 清河堡  
守備一員 鎮靜堡守備一員 錦州城守備一員  
懿路城備禦一員 長安堡備禦一員 長勇堡備禦  
一員 西平堡備禦一員 塔山所備禦一員 前屯  
城備禦一員 汎河城備禦一員 一次衝地方 海  
州城叅將備禦各一員 險山城叅將一員 靉陽城  
守備一員 中國城備禦一員 鐵嶺城備禦一員  
撫順城備禦一員 蒲河城備禦一員 江沿臺備禦  
一員 右屯城備禦一員 一又次衝地方 金州城  
守備一員

薊鎮按薊鎮自山海抵居庸延袤遼闊國初號稱腹裏頃

緣大寧內徙宜遼隔絕沿邊千里與虜爲鄰雖有屬夷  
駐牧甘心附虜每犯內地輒爲嚮導頻年撫賞勞費不  
貲甚至肆爲要挾悖逆極矣該鎮素鮮邊警自古北之  
潰烽火始達甘泉嗣是若太平若牆嶺若羅漢洞相繼  
失守虜竟得志而去未一懲創當軸者是豈可不深長  
思哉所幸層巒疊障天險爲固斬崖湮谷其說不可易  
已第將領脩守素習彌縫監司閱歷憚于涉降重閫絕  
塞乃至與虜共之殊可太息桑土綢繆棟焚在念茲非  
其時耶此中積弊未易枚舉撮其甚者主兵耗于役占  
客兵疲于往來民兵弱于偷媮班兵徂于故習根極要  
領選練先焉然又以議論繁多莫可措手嗚呼不痛除

數弊而欲薊鎮之安不可得已

本鎮地方文武官員數目

總督薊遼保定等處軍務兼理糧餉侍郎一員

駐劄密雲城

整飭薊州邊備兼巡撫順天等府都御史一員

駐劄遵化

城

鎮守總兵官二員

一駐三屯營  
一駐昌平州

戶部管糧郎中

主事共四員

一駐永平城  
一駐密雲城

一駐薊州城  
一駐昌平州

兵部主事

一員

駐劄山海關

兵備四員

一駐薊州城  
一駐密雲城

一駐永平城  
一駐昌平城

一極衝地方

古北口副總兵提調各一員 石門

寨叅將一員 臺頭營叅將一員 燕河營叅將一員

太平寨叅將一員 馬蘭谷叅將一員 牆子嶺叅

將一員 石塘嶺叅將提調各一員 居庸關叅將一

員 渤海所叅將提調各一員 橫嶺城叅將一員

松棚堡遊擊一員 駐龍井兒關 曹家寨遊擊提調各一員

大水谷遊擊一員 鎮邊城遊擊守備各一員 山

海關守備一員 大喜峯口守備一員 黃花鎮守備

領班官各一員 天壽山守備一員 駐灰嶺口 八達嶺守

備一員 石峽谷守備一員 白羊口守備一員 一

片石提調一員 大毛山提調一員 義院口提調一

員 界嶺口提調一員 青山口提調一員 桃林口

提調一員 冷口提調一員 擦崖子提調一員 榆

木嶺提調一員 董家口提調一員 龍井兒關提調

一員 駐潘家口 洪山口提調一員 羅文谷提調一員

大安口提調一員 寬佃谷提調一員 黃崖口提調  
一員 將軍石提調一員 鎮虜營提調一員 潮河  
川提調一員 白馬關提調一員 長峪城提調一員  
德勝口把總一員 一次衝地方 密雲城叅將遊  
擊守備各一員 領班都司三員 板武營叅將一員  
建昌營遊擊一員 石匣營遊擊一員 遵化城遊擊  
二員 守備一員 三屯營中營守備各一員 昌平州  
遊擊中營各一員 鞏華城遊擊一員 永平城守備  
一員 薊州城守備一員 懷柔縣守備一員 一又  
次衝地方 通州叅將一員 三河城守備一員  
宣府鎮按宣府自東徂西邊長一千餘里雄據上谷藩屏

陵京譬則身之肩背室之門戶也肩背實則腹心安  
門戶嚴則堂奧固其關涉豈細細哉在昔經畧諸臣咸  
謂彼中山川紛糾地險而狹分屯建將倍于他處號稱  
易守自今觀之乃亦有不盡然者虜越永寧則南山之  
迫切可畏龍門失守則金馬之戒備當先考之往事若  
撞道橫嶺之驅疾如風雨浮圖紫荊之潰禍及郊圻耳  
目睹記歷歷可鑒是豈可以易守言哉近駐督府于懷  
來設專官于本路防護南山可謂至矣第其間猶有一  
二可慮者硫砲等處界在兩鎮薊宣稍有推諉脩設未  
免單薄今虜且掠車夷去矣山後險易此輩蓋稔知之  
長慮却顧茲其可緩乎該鎮本色素稱墮胸設遇連儉

或由居庸取道或自桑乾通運皆事勢之不可已者然  
陸運蓋嘗行之舟運則自蘆溝以達彼中未有能詳其  
說者其可不爲之講求乎若夫重北路之哨探扼南渡  
之要津虜東犯已得其形虜深入先據其勝此又不獨  
宣鎮之利尤薊之所必不可無者也

本鎮地方文武官員數目

巡撫宣府贊理軍務都御史一員 鎮守總兵官一員

戶部管糧郎中一員

俱駐劄宣府鎮城

兵備一員

駐劄懷來城

分守叅議一員 分巡副使一員

俱駐劄宣府鎮城

一極

衝地方 南山柳溝管城叅將一員 獨石城叅將守

備各一員 萬全右衛城叅將守備各一員 柴溝堡



叅將守備各一員 四海冶堡守備一員 馬營堡守  
備一員 雲州堡守備一員 龍門所守備一員 滴  
水崖堡守備一員 新河口堡守備一員 新開口  
堡守備一員 膳房堡守備一員 張家口堡守備一  
員 洗馬林堡守備一員 西陽河堡守備一員 一  
次衝地方 宣府鎮城副總兵官一員 遊擊三員 都司  
三員 備禦二員 永寧城叅將守備各一員 葛峪堡  
叅將守備各一員 龍門城守備一員 長安嶺守備  
一員 萬全左衛城守備一員 懷安城守備一員  
一又次衝地方 順聖川西城叅將守備各一員 延  
慶州城守備一員 懷來城守備一員 岔道城守備

一員 保安新城守備一員 保安舊城守備一員  
順聖川東城守備一員 深井堡守備一員 蔚州城  
守備一員 廣昌城守備一員

大同鎮按大同古雲中地也西起丫角東止陽和邊長六  
百四十餘里東北與諸和連袂西接套虜在九邊中稱  
絕塞焉 國家于諸邊率建敦列戍界限夷虜獨于該  
鎮設爲大邊二邊聯絡不已得無意哉閱歲旣久傾圮  
寢多虜騎跳梁已難控禦乃又以衝險故棄而不守雲  
中之重險盡失君子有遺恨焉彼中雖苦虜患幸無異  
圖自姦民丘富輩授以攻城之術于是雲中四境邊堡  
蕭然無復有存焉者極而至于石州之禍漸豈可長乎

大邊之外卽爲豐州地多饒沃先年虜雖駐牧每遇草盡則管帳遠移乃今築城架屋東西相望咸稱板升其羣聚者無非驅掠之民與夫亡命之輩也虎噬狼貪匪憂竊伏謀國者是豈可無善後之策哉該鎮之兵拳養歲久驕悍日滋稍不適意輒相詬噪甚至交通無忌與虜爲市者不能禦暴而反以爲暴將焉用之近年議廣招徠議申軍令似亦得制禦之畧然必故態潛消大過漸復庶可無意外之患第狂瀾旣潰障蔽爲難積習相循轉移豈易非得壯猷之帥恐未足以語此也

本鎮地方文武官員數目

總督宣大山西等處軍務兼理糧餉侍郎一員

駐劄陽和城

巡撫大同地方贊理軍務都御史一員 鎮守總兵

官一員 戶部管糧郎中一員但註到大同鎮城 兵備四員

一駐陽和城 一駐大同鎮城 一駐朔州城 一駐大同左衛城 一極衝地方 平

虜城叅將守備各一員 威遠城叅將守備各一員

大同右衛城叅將守備各一員 助馬堡叅將守備各

一員 新平堡叅將守備各一員 得勝堡叅將一員

大同鎮城遊擊三員都司三員領班備禦二員坐營中軍

一員 天城城遊擊守備各一員 平遠堡守備一員

保平堡守備一員 鎮羗堡守備一員 弘賜堡守

備一員 破虜堡守備一員 滅虜堡守備一員 威

虜堡守備一員 寧虜堡守備一員 殺胡堡守備一

員 雲石堡守備一員 威平堡守備一員 威胡堡  
守備一員 井坪城守備一員 鎮川堡守備一員  
乃河堡守備一員 迎恩堡守備一員 高山城守備  
一員 一次極衝地方 大同左衛城副總兵守備各  
一員 陽和城叅將守備軍門標下叅將遊擊各一員  
朔州城守備一員 永嘉堡守備一員 靖虜堡守  
備一員 鎮邊堡守備一員 鎮虜堡守備一員 鎮  
河堡守備一員 牛心堡守備一員 一稍緩地方  
靈兵城叅將守備各一員 馬邑城守備一員 應州  
城守備一員 懷仁城守備一員 廣靈城守備一員  
渾源城守備一員

山西鎮按山西自丫角墩起至老牛灣止邊長一百餘里  
外藉大同以爲藩籬內恃三關以爲捍蔽該鎮邊患似  
非所憂也自嘉靖壬寅歲虜寇太原邊禍寔自此始嗣  
是率數歲一入蹂躪之慘雖嘗聞之而城邑固無恙也  
丁卯歲虜始陷石州受禍之烈前此未有何昔所稱爲  
藩籬爲捍蔽者皆不足恃若此哉該鎮在諸邊稍稱腹  
裏每歲列戍多用民兵素不見虜驟聞虜至咸相顧失  
色一隅不支諸軍瓦解孰能整師迎敵以抗方張之虜  
乎雖有大同爲之藩屏虜自威遠平虜而下卽抵莜麥  
川奔利民堡或由平刑窺鴈門一入內地勢若河決于  
此而欲角戰以求勝顧不難哉夫將必領兵三千方成

營伍該鎮之兵素怯懦不可用而各將所領多不滿二千又騎步相兼非合數勞不可追逐竅其合而當之虜已飽所欲矣知水泉一帶皆所必窺之地而河曲保德又切鄰套虜嚴冬冰結呼吸可度軍士鑿冰之苦至墜指裂膚尤爲他鎮所無者烏可謂三晉爲內地哉邇來寧武叛卒如劉如沈皆用事虜中鴟張蠱毒謀逆未已實爲心膂之患圖事決策可不爲之慮哉大抵山西諸路西路爲急中東稍緩練土兵繕城堡明烽堠嚴哨探是爲防守至計若乃扼陽方之口塞府川之衝此又守要害之切務不可不講而圖之也

本鎮地方文武官員數目

提督鴈門等關兼巡撫都御史一員

駐劄山西省城

鎮守總

兵官一員

駐劄寧武關

戶部管糧主事一員

駐劄代州

兵備

三員

一駐劄偏頭關一駐劄寧武關

代州

一極衝地方

老營堡

副總兵遊擊守備各一員

北樓口叅將守備各一員

河曲縣叅將一員

利民堡叅將守備各一員 廣

武站守備一員

偏頭關叅將守備各一員 寧武關

坐營中軍

守備各一員

神池堡守備一員

八角堡守備

一員

水泉營守備一員

奇嵐州守備一員

盤道

梁堡操守一員

一次衝地方

山西叅將一員都司

三員

代州叅將一員

汾州叅將一員

平刑關守

備一員



延綏鎮按延綏東起黃浦川西止定邊管邊長地遠爲套  
虜充斥之地然自神木迤東逼近黃河難通大舉神木  
迤西直至石澇乾溝等處環遶千五百里雖有二邊傾  
圯已甚不足爲據虜不來則已來則必入矧長驅無忌  
關以內尤爲可憂該鎮所係顧不重哉考之先朝經畧  
西事諸臣如余子俊楊一清王瓊輩皆訐畫鴻猷膾炙  
人口至究其所建置則脩築先焉蓋設險衛民實保塞  
至計也邇年督撫先後相繼率主脩設以故終歲之內  
東西諸路報完頗多第天下事非一人一手所能就緒  
因其所有增其所無以共圖千百年永賴之利非同心  
體國者不可也然竊有說焉此中軍士驍悍善戰素稱

忠勇自庚戌以後更番人衛疲于奔命無復故態而又  
以地多沙漠種植爲難芻糧不充曾不宿飽萬一虜駐  
魚河糧道險遠鎮城坐困憂先饑事其可不爲之經理  
哉議者欲于府谷至葭州由黃河而上造舟轉運以濟  
清水木瓜孤山等處亦爲甚便近雖題行而建置倉庾  
改徵本色未聞議及皆今日之所宜汲汲者若夫議復  
河套之舊以中東勝之城審時度勢殊難爲力是又未  
可以易言也

本鎮地方文武官員數目

巡撫延綏地方贊理軍務都御史一員 鎮守總兵官

一員

俱駐劄榆林鎮城

兵備二員

一駐靖邊營一駐定邊營

一極衝地

方 孤山堡副總兵一員 定遼營副總兵一員 神  
木堡叅將一員 鎮靖堡叅將一員 舊安邊營叅將  
一員 清平堡遊擊一員 榆林鎮城坐營中軍一員遊擊  
五員 清水營守備一員 高家堡守備一員 保寧  
堡守備一員 寧塞營守備一員

寧夏鎮按寧夏古朔方河西地也東起鹽場西盡中衛東  
南距河爲險北倚賀蘭爲固在昔稱四塞焉自虜人套  
以來遼患始劇其在夏秋則用渾脫浮渡以擾我遼嚴  
寒之時則踏冰卒人乘我不備甚至取道賀蘭山後往  
來莊涼恬無忌憚今之寧夏是豈可以往昔例論哉說  
者謂復舊墩明烽墩嚴長城之守備與靈之衝此固切

要之論也然不分番監哨則各水頭地方屬之有無亦何自而知之哉哨探真確然後量勢大小潛出銳兵攻其必救此亦守邊捷法何者邊長兵寡聚散異形有警號召卒難齊一不若乘便擣剿使虜賊疑畏不敢近邊駐牧庶幾亦長策也此外則濶舊渠通水利固可以復屯田亦可以阻虜騎云

本鎮地方文武官員數目

巡撫寧夏地方贊理軍務都御史一員 鎮守總兵官

一員 俱駐劄寧夏鎮城 戶部管糧郎中一員 駐劄花馬池營 兵備

一員 駐劄寧夏鎮城 一極衝地方 寧夏衛城副總兵一員

遊擊二員都司五員 平虜城叅將一員 寧夏中衛

叅將一員花馬池管叅將一員 興武管協同一員

廣武管協同一員 玉泉管中備一員

駐邵  
綏堡

一次衝

地方 靈州城叅將一員

固原鎮按固原向在先朝號稱腹裏每值水結所守者僅靖虜一面耳邇年賔免諸酋聚秋分住大小松山往來沿河乘虛浮犯又或踏水謀掠安會蘭靖諸堡西海之賊出沒無時已屬可慮而生番諸部又時肆剽掠擾我耕牧劫我行旅蓋番漢雜處良有隱憂援今稽昔豈不眞霄壤哉大段狂虜謀犯雖涉多岐而制禦機宜惟先要害定邊花馬與靈其藩籬也石溝鹽池肅州萌城山城其門戶也固原黑水鎮戎西安海刺其庭除也安會

隆德平涼其堂室也墩堡遊兵當併力防禦以壯藩籬  
正兵主兵當駐守要會以嚴門戶撫鎮等官當振揚威  
武以靖庭除縣令等官當團練士兵以安堂室小至則  
戰但不可輕進大至則守姑勿與爭鋒俟其擁衆深入  
或據險以阨其衝或張疑以分其銳虜進無所逞野無  
所掠勢必西遁然後乘其已奪之氣或斷其中或截其  
尾安有善歸之理乎如是而又清影射之丁實逃亡之  
伍懇萊蕪之地補新募之軍添沿河之堡凡西鳳臨鞏  
之卒多方訓練以作其赴敵之勇形聲氣勢亦足遠懾  
防守之策諒不出此者是在當事者加之意而已

本鎮地方文武官員數目

總督陝西三邊軍務侍郎一員駐劄固原鎮城巡撫陝西地方

贊理軍務都御史一員駐劄陝西省城鎮守總兵官一員駐劄

固原鎮城兵備五員一駐劄固原鎮城一駐慶陽府一駐岷州一

府一極衝地方蘭州叅將一員河州叅將一員

固原鎮城遊擊二員靖虜衛遊擊守備各一員西

安千戶所遊擊一員紅德城遊擊一員下馬關守

備一員環縣千戶所守備一員一次衝地方洮

州叅將一員岷州守備一員階州千戶所守備一

員西固城千戶所守備一員文縣千戶所守備一

員一又次衝地方陝西叅將一員漢中府守備

一員

甘肅鎮按甘肅古河西四郡也西控西域南隔羌戎北蔽胡虜實爲西郵孤懸絕塞國初設哈密以爲捍衛蓋卽漢人斷匈奴右臂之意自土魯番屢肆劫奪陝巴失守其部落皆散置關外捍衛遂失嗣是亦不剌徙居西海吞併番族番漸不逞隴右之間遂無寧宇甘肅邊患自此日甚一日矣該鎮可以設險之處固有而其不可設險之處亦多守之之法惟于秋冬之候行令莊浪並魯民土兵以防碾伯西寧遊兵駐古浪以防岔口鎮羌涼州副將合永昌之兵相爲犄角以外助鎮番內防涼永肅州叅將并鎮夷高臺諸處嚴謹堡寨以防攻擊而又略倣克國困羗夷之法開墾屯田以實塞下行之數



年增建城垣脩飭器具招募軍兵買補戰馬皆無不可  
 此前人已試之歟非敢為臆說也聞彼中所急無如井  
 泉居常度地勢察泉脉隨便開鑿使四境之內棋布而  
 星列之是亦備緩急之一策乎大抵甘肅控禦番夷其  
 機在我若禁茶却貢番人自當乞哀請命不暇是  
 故該鎮之憂南不在番北不在虜所當亟圖而遠慮者  
 莫西海諸賊若也

本鎮地方文武官員數目

巡撫甘肅地方贊理軍務都御史一員 鎮守總兵官

一員 係駐劄甘肅州城 戶部管糧郎中一員 駐劄蘭州城 兵備

三員 一駐西寧衛 一駐莊浪衛 一駐肅州衛 一極衝地方 高臺所

左副總兵一員 涼州衛右副總兵一員 肅州衛叅  
將一員 莊浪衛叅將協守各一員 鎮番衛叅將一  
員 永昌衛遊擊守備各一員 黑松驛遊擊一員  
甘州衛坐營中軍一員都司三員 紅城子堡守備一員  
鎮羗堡守備一員 平川堡守備一員 山丹衛守備  
一員 洪水堡守備一員 打班站領班備禦一員  
石硤口堡領班備禦一員 古浪千戶所操守一員  
鎮夷千戶所操守一員 嘉峪關守備一員 一次衝  
地方 西寧衛叅將一員 碾伯右所操守一員 巴  
煖三川堡操守一員

河套在戰國時爲上郡後匈奴並有之自秦蒙恬逐匈奴而有其地所謂河南地者此也漢武用主父偃策乃立朔方郡因河爲固若夏赫連勃勃李繼遷皆雄據北方至宋元昊遂稱夏帝據河南之九州卽今套中也宋史云地饒五谷尤宜稻麥自昔然也今菽園雜記亦云近時關陝大饑流民如其中求活者甚衆每踰年纔復業是土之肥饒可耕桑古今一致也按河套周迴六七千里三面阻河惟南近陝西之榆林堡橫亘東至山西偏頭關西距寧夏鎮幾二千里從榆林邊城抵黃河遠者八九百里近者二三百里唐韓國公張仁愿爲朔方大總管渡河于套北築三受降城以守元立東勝州在受降

城之東我 太祖遣大將徐達等驅虜出絕塞 洪武

甲寅秋李文忠畧豐州大獲虜亦遁甲戌春三月城東

勝 成祖卽位又親征虜當是時虜竄伏荒域黃河之

外一帶蕭然延綏稱無事矣 宣德乙卯秋北虜阿台

朵兒只伯擁衆寇甘涼 朝廷擢監察御史羅亨信爲

右僉都御史往平涼莊浪等處練兵又擢浙江按察司

副使陳鑑爲右副都御史鎮守陝西兼理寧夏延綏等

處邊務是時防禦猶整虜殘傷未復不敢涉河且受降

城一帶亦不敢顧時河套猶爲我險久之邊將稍怠

正統以後失其險 正統丁巳春兵部尚書王驥巡邊至甘肅

見莊浪永昌山丹等衛守兵單弱烽堠廢行伍無律嘆

曰邊防如此而欲虜無侵凌難矣明日坐轅門大會諸將卒詢曰先年大軍遇虜于漁海而先退者誰歟衆對都指揮安敬卽命引出斬之徇于衆曰今後遇敵畏縮者視此驥在鎮簡戍兵謹斥堠嚴部伍勤訓習利器械軍容肅然旣而虜酋已脫孛羅寇莊浪驥遣都指揮衛榮授以方畧擊敗之俘獲甚衆虜引退尋遣知院阿魯等來納款驥尋還京 是年九月北虜犯甘肅仍勅驥往禦之時勲衛陳儀言于上請于寧夏甘肅簡精銳俟春煖俱發諸道並進且瓦剌相犄角殘虜破敗之餘必就擒戮此萬全利也從之戊午春王驥等兵次甘肅申飭號令於是壯士咸思奮願與虜一戰雪數年之耻俄

而虜酋阿台朵兒只伯入寇驥選精兵三千以都督蔣貴將之戒之曰兵精氣銳遇賊不能勦殺無復相見貴父子奮勵以往驥又遣趙安領兵由東涼州逾白雅孤口北抵赤林鐵門諸關爲犄角驥親統馬步軍與太監魯安都督任禮等出鎮夷關與貴約至狼心山舉火爲應遂行貴遇虜于石城兒泉破走之進襲阿台朵兒只伯巢穴遂會任禮等兵夾攻虜於梧桐林擒其驍賊都丹等三千餘人復追至野狐心青華山轉戰二千餘里俘獲二千餘口及馬駝畜產阿台等以數十騎遁去尋走死河套以寧然間亦渡河來犯繼而守將都督王楨始請榆林城堡往北三十里之外沙漠平地則築瞭望

登臺竄窺境卽舉烟示警往南三十里之外則埋軍民  
種田界石多于硬土山溝立焉界石外開創榆林一帶  
營堡累增至二十四所歲調延安綏德慶陽三衛官軍  
分戍而河南陝西客兵助之列營積糧以遏寇路及景  
泰初虜犯延綏不敢深入天順戊寅冬虜酋孛來寇延  
綏神木縣等處守將彰武伯楊信都督僉事張鎮禦虜  
于柴溝多斬獲虜尋寇安邊管鎮分道拒之連戰于野  
馬澗等處遂俘其將鬼里赤他物倍柴溝鎮以功進都  
督同知佩征虜副將軍印總延綏慶陽諸路兵然自是  
孛來毛里孩阿羅忽等相繼入寇東掠延寧甘  
涼西侵宣大北境無寧歲矣天順辛巳冬虜酋阿羅出

渡河寇延綏始知我東偏頭西寧夏皆守惟延慶可馳突遂入屯其中卽今吉囊子住牧也自是虜得伺機便不時出沒大爲邊患成化乙酉秋虜寇延綏時巡撫都御史項忠寧遠伯任璫巡撫延綏都御史盧祥合兵禦之虜敗去時虜已潛伏河套爲西邊患輔臣有建言興師十萬以彰武伯楊信爲總制搜勦之七年辛卯以信巡邊是年兵部尚書程信言河套地曠遠無水草興師十萬則饋餉者加倍自古禦戎來者不拒去者勿追不易之法也從之遂止與信二萬人巡邊於是搜套之議遂寢已而命吏部侍郎秦盛往延綏議河套事宜時虜住套言人人殊有言增兵守禦者有言大舉搜虜驅



出河外沿河築城堡抵東勝徙民耕守其中者盛往度  
方畧回奏謂河套沙深水淺難以住牧春遲霜早不可  
耕種搜河套復東勝此皆事勢所難惟增兵守險可爲  
遠圖且剗削邊牆增築城堡收新軍以實邊選土兵以  
助守不但可責近效而亦足爲長便 制曰可弘治改  
元左都御史馬文昇上疏云本年十二月十七日有巡  
撫延綏都御史黃綬差舍人房正奏事到京前來本院  
投文臣當臺詢問地方事情本舍說稱虜賊俱在河套  
近邊牆居住日逐射獵通事回話荅說並不做賊搶掠  
到明春要來進貢臣切惟胡虜爲患自古而然勢盛則  
搶掠勢衰則北遁近年以來東則在於大同宣府西則

在於延綏寧夏再西則在於甘涼越逐水草時或出沒  
此虜賊之常態也以今日虜勢論之部落分散固不足  
深慮但我武備不振芻糧不足亦在所當憂成化四年  
虜酋阿樂出乧加斯蘭上居河套犯我邊陲朝廷命將  
出師徃徃征勦彼欲緩我之師亦嘗遣人進貢由偏頭  
經大同赴京朝廷賞賚甚厚回套之後大舉入寇仍前  
剽掠至成化九年冬方逐出套復犯大同宣府又已數  
年軍勞于征戰民困于轉輸幸而虜賊自相讎殺邊方  
稍寧及太監汪直之啟釁總兵官許寧之失律官軍喪  
敗所不忍言仰惟 皇上嗣登寶位威德遠及虜酋向  
化遠貢闕庭今此虜俱于河套近邊牧獵聲言春間又

要進貢臣切思河套之中地方千里草木茂盛禽獸繁多北有黃河南近我邊河水開後彼藉黃河之險而不虞零賊之偷其馬疋又得時常出沒以掠我之生畜欲居河套之心無時少忘邇年未結之後虜必擁衆進入但野草燒燎已盡馬無所食不能久居隨復出套中十數年餘久無邊患今此虜居於套中不復搶掠意在緩我之兵春初卽來進貢必須似往年從榆林由偏頭關經大同而來爲詞不從則阻彼向化之心從之則貽我邊無窮之患彼旣進貢餘衆居于套中從容就草牧馬比及彼回草芽已茂馬牐已壯欲令彼出套彼必藉言河水已開倘此虜背我國恩入寇剽掠陝西邊患何時

得已況今各處府庫未見克實陝西人民未獲蘇息供  
給轉輸賴之何人及甘涼一帶見今亦有聲息而哈密  
地方又被殘破萬一如臣所慮事之可憂莫大於此乞  
勅延綏鎮守總兵巡撫等官一面用心操練軍馬嚴加  
防禦一面令通事與彼答話既要進貢早爲出套還從  
大同赴京朝廷自有重賞若又以由榆林進貢爲詞緩  
我之兵必大張兵勢必別有奇謀務要逐彼出套不可  
容彼久住貽患地方弘治庚申春虜寇大同命平江  
伯陳銳戶部左侍郎許進兼都御史統兵禦之銳畏怯  
嬰城自保無功而還罷銳進亦致仕辛酉兵部尚書馬  
文升以地震因言陝西西隣番虜而延慶二府又與河

套密邇卽今小王子部落日衆精兵數萬其酋火篩者  
梟雄桀黠往往以計敗我官軍觀其所存其志非小今  
正月朔日地震未已而虜十五日擁衆入寇夷狄侵凌  
中國之兆亦已明矣未幾命保國公朱暉佩征虜將軍  
印總諸路兵右都御史史琳督軍務赴榆林禦虜暉等  
覘虜酋所在潛師襲破之遂搆其巢穴毀其廬帳斬其  
老弱百餘級而還頃之火篩復侵劇甚邊堡失事鎮城  
晝閉又擢大理寺丞陳壽爲右僉都御史巡撫延綏壽  
至先恤陣亡官軍隨易諸路將領兩旬間與虜三勝虜  
知有備遂渡河北遁地方危而復振壽乃開邊耕耘架  
梁採牧不數月省費二十七萬是年秋火篩復寇大同

威寧勢猖獗京師戒嚴 上亟召馬文升入便殿議戰  
守之策仍命保國公朱暉等整官軍以待且令各邊謹  
斥堠脩戰具虜尋引去乙丑冬虜數萬直抵固原關中  
震恐道無行人巡撫陝西都御史楊一清時在平涼亟  
率帳下五千餘人至瓦亭驛適虜圍花馬池營見我軍  
容甚盛移侵隆德尋引去已而諸大臣議復河套明年  
正德改元丙寅春遂以一清總制陝西三邊軍務復河  
套也丁卯罷一清先是一清以寧夏花馬池要害套虜  
數由之以入乃率官屬緣邊巡視上經畧三疏一議守  
守虜所必入一議戰戰虜所必敗一議攻攻虜所必救  
且言河套卽古朔方地張仁愿築三受降城自是無寇

乞脩濬墻塹以固邊方增設衛所以壯邊兵奏報可一  
清遂興築邊墻尅期完工會劉瑾憾之而罷一清乞休  
僅築四十餘里自是無敢言及河套者卽有建白輒云  
脩邊或曰進幾里扞虜或又曰退幾里固我我邊日退  
套虜日進嘉靖戊子起楊一清兵部尚書兼都御史提  
督陝西邊務上疏曰寧夏花馬池東至延綏安邊營西  
至寧夏黃河邊橫城堡一帶地方綿亘四百餘里內外  
黃河野草瀰望無際無高山巨塹爲之阻限成化初年  
北虜在套彼時未有邊墻恣肆入城所謂膏肓之疾腹  
心之害也巡撫寧夏都御史徐廷璋始脩復之巡撫延  
綏都御史余子俊脩濬完固北虜不復入套者二十餘

年世平人玩邊備稍踈墻旣日頽溝又日淺弘治十四年大虜由花馬池拆墻深入連年擁衆失利上厯宵旰之憂臣于正德二年二月興工自寧夏橫城起築過墻塹約四十里不意權奸劉瑾竊柄矯詔中止識者以爲恨厥後套賊頻年入寇皆于未脩邊墻拆入正德十年大舉深入固原平涼殺掠甚衆正德十四年又復擁衆侵犯直至鞏昌秦州地方至嘉靖元年又復大舉直犯西安之邠州鳳翔之龍州殺掠之慘比前倍之關井蕭條戶口凋耗使正德二年劉瑾不出得終前功所費不過二三十萬之銀而人民有耕牧之利官民省征伐之苦矣未幾一清召入內閣自是北虜吉囊俺答



無歲不擾榆林寧夏宜府諸境嘉靖丙午虜深入陝西

殺掠人畜總督侍郎曾銑

揚州府人

奏議復河套丁未冬河

西總兵咸寧侯仇鸞爲奸銑發之

詔逮鸞鸞誣銑行

賂掩敗冒功妄議復套關中人情大搖遂亦逮銑詔獄

時

內閣夏言是銑議又

內閣嚴嵩素忌言因落言

少師以尚書致仕遂織坐銑交結近侍律戊申春三月

殺銑遂逮言繫錦衣獄論死是年十月殺言虜益安套

無復敢議矣丙寅冬套虜大舉犯延綏官軍出擊敗績

殺傷總兵千把總等官陷折人馬甚多事聞

上詰責

總督鎮巡官俄而總制三邊都御史陳其學奏稱達賊

已被官軍奮擊驅逐出境時齎本人張四爲兵科都給

事中歐陽一敬詰之答云行至中途聞套虜又復入不知搶何地方一敬因奏學專持文墨之議原非揮霍之才官軍淪沒束手無措出境之報纔聞而入境之報隨至方相載以去不旋踵而來或出或入如履無人之境地方殘害之慘不知所紀極 詔奪其學爵回籍以刑部侍郎霍冀代學時兵食稍乏一敬又奏請發太倉籩餉及太僕寺馬價各若干兩解充該鎮緊急之需又命戶部發銀一萬五千兩運至山西支給或請調山西大同應調兵或請調集各鎮精銳及放回各衛兵馬以備策應顧虜亦尋引去夫策河套者至是無遺慮亦無他良議矣

載考舍三受降城而衛東勝已失四面之險未幾又撤東勝以就延綏卽城榆林則自孤山以至花馬池高橋三面城守地延兵分勞費遂不支矣有謂河套千里虜處水曲山阿之便多無城堡壘寨之設若以銳師三萬搜掠其套繼之邊軍以振其後必將封官山而守大磧屯降城而阻餘吾烽真水而斥草心肥饒可以足軍業耕足以厚民轉輸省民力寬卒伍亦少蘇矣是或一議也

雙槐歲抄云入套之路多由黃甫川南焦家坪以兩岸夾山米先合後泮此外則娘娘灘及羊圈子渡口冬月冰堅隨其所擇而官軍駐劄多在神木堡或高家堡莫

能測也成化十五年滿都魯訖加思蘭死其子僭稱小  
王子弟亦思馬因僭稱太師播遷宣大邊外使有勇智  
之將一鼓擒焉偏搜匿套者彼將喙息不暇于是招募  
勇士築城屯種套中虜患或可除矣成化間倪文毅公  
上疏云擬指掌之圖肆冒臆之見者率謂復受降之故  
險守東勝之舊城則東西之聲援可通彼此之犄角易  
制是非不善也第二城之廢棄旣久地形之險易未知  
况欲復城河北以爲守必須屯兵寨外以爲之助出孤  
遠之軍涉荒漠之地輜重爲累饋餉爲艱彼或佯爲遁  
逃潛肆邀伏或抄掠于前躡襲于後曠日持久露行野  
宿人心驚駭軍食乏絕進不得城退不得歸一敗塗地

聲威大損。六有懷佩敵之心。馳伊吾之志者。率謂統十萬之衆。累半月之糧。奮揚威武。掃盪腥膻。使河套一空。邊陲永清。是亦非不善也。然帝王之兵。以全取勝。孫吳之法。以逸待勞。今欲鼓勇前行。窮搜遠擊。乘危履險。徼倖萬一。運糧遠隨。則重不及事。提兵深入。則孤不可援。況其間地方千里。綿亘無際。旣無城郭之居。亦無委積之守。彼或往來遷徙。罷我馳驅。或掩襲衝突。撓我困憊。虜酋安望于成擒。中國復至于大創。失坐勝之機。蹈覆沒之轍。必矣。至有欲圖大舉。以建奇功者。謂必剪建州之衆。除朵顏之徒。乘勝而西。遂平河套。夫祖宗之於建州。朵顏。諸衛。不過羈縻保塞。以固吾圉。今若是將使

戎狄生心藩籬頓壞遺孽難盡邊釁益多是果何知誠  
爲無策甚者至謂昔以東勝不可守旣已棄東勝今之  
延綏不易守不若棄延綏則兵民可以息肩關陝得以  
安枕夫一民尺土皆受之于天子祖宗不可忽也向  
失東勝故今日之害卒于延綏而關陝騷動今棄延綏  
則他日之害鍾于關陝而京師震驚賊愈近而莫支禍  
愈大而難救此實寡謀故爾大謬嗚呼一倡百和牢不  
可移甲是乙非卒莫能合成功旣鮮高談奚取焉臣所  
尤不滿者徒以書生典兵謂詢謀爲無益棄人言而不  
顧謂專斷爲無傷執己意而不回處置乖方指揮失義  
若向之圖復西戎旣爲苟且之舉已損威而失信近之

議制南夷復倡隄備之說以啟衆而示怯遠居中制外之權昧以大字小之體推是以往其他可知徒使下弛兵機上隳國紀又皆此輩舞文之過重貽後時噬臍之悔者也故以臣論之不若卽古人已用而有成及今日可行而未盡者舉而措之其爲力也少其致功也多曰重將權以一統制而責成功曰增城堡廣斥堠以保衆而疑賊曰募民壯去客兵以弭患而省費曰明賞罰嚴間諜以立兵紀而覘賊情曰實屯田復漕運以足兵食而紓民力廣東陳建亦云唐張仁愿猶能築三受降城于河北以絕虜南寇路而我朝乃不能因河以固守河南而使虜得以據爲巢穴以貽關陝無窮之害將帥有

愧前代矣

獨石

開平大寧地形牽貫乘則開平孤當事者不追復大寧而圖保獨石於是開平遂廢不守北境

罷一巨鎮云

宣德五年庚戌始城獨石初 洪武庚戌李文忠破元上都設開平衛守之置八驛東則涼亭沈河寨峯黃厓四驛按大寧古北口西則桓州威虜明安隔寧四驛按獨石聲息相聞犬牙爲制禦北虜之長城也庚午春傅友德破虜于迤都山擒其將乃兒不花還駐開平戊寅遣總兵楊文棟北平行都司及燕府護衛精銳馬步軍往鎮開平以防虜永樂初大寧既棄而開平失援難守至是始命陽武侯薛祿築獨石隆慶城而設開平衛于此



棄地蓋三百里故宣德以後之開平非國初之開平矣  
甲寅春開平守將奏邊務數事上舉其可行者付所司  
施行因謂侍臣曰方今海內小康惟虜叛服不常古人  
制夷狄惟在守備若城堡堅固糧芻充足士卒精練哨  
嘹嚴謹彼亦何能爲患朕屢以此戒飭邊將但慮其因  
循玩慢今春氣漸深正邊民耕種之時一時農事妨廢  
秋收無望仰給于轉輸則勞遂令邊將嚴謹備之未幾  
獨石馬營等城防怠也先入寇土木是虞給事中葉盛  
上言向使獨石馬營不棄則王師何以陷土木景泰初  
議者復欲棄之于謙曰棄之則不但宣大懷來難守京  
師不免動搖乃止三年壬申夏命都督同知孫安鎮獨